



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Epistel odder vntter-||richt von den heyiligen/ an die ||
kirch tzu Erffurdt ynn || gott verßamlet.||**

Luther, Martin


Erffurdt, [1522?]

VD16 L 4573

urn:nbn:de:hbz:466:1-32152



Jh 5975



ERZBISCHÖFL.
AKADEMISCHE
BIBLIOTHEK
LEOSTR. 21
PADERBORN

in Luther. Jungfrauen mögen Kloster verlassen 1523

Zwingli. Verantwortung mit dem Zünfftum 1523

Hans Sachs über den wüthel. Mordel der
Luthersche. 1524

Luther wider den unnen August zu Meissen 24

Jac Strauß gegen Anweisung der heiligen 23.

Dies hat zwe Puren gemacht. —

Luther an die Luthersche aller den den, der die
Sünden rücheln 24

Fürst E. Altes Gesehnt auf dem Königs-
mahl 1524 v. Hans Beckler

Zwei Trudspachen

Luther an die Einickinder allen von
besten Eifer. 21.

Dem Ursprung des Melanchon
der Alman in der Luz

Jes. Mickel u. gild,
Luther der gildigen Frank.

Jac. Strauß Brieflein 1522

———— " ————— Examination 1522

W. Luther aus der Cluffschul. 22

———— " ————— Ginnemaljahr 23

———— " ————— von unserm Mennon 22

———— " ————— Kuba & Perik. 23

———— " ————— Liedman 23.

———— " ————— in unsern Mennon.

———— " ————— von guten Gierken 23

———— " ————— Maxim Galual

———— " ————— allen Gniligen

Simon Hoffmann Oserator

Luther Montfualator. 22. in den 23

———— " ————— aus J. Epist. mit Luther 23

———— " ————— von Pfingstfest

———— " ————— Dabyl

———— " ————— so sie den den mit Gnaulichkeit.

———— " ————— In der Meinung zu die Milchbrunnen

Luther ist nun aufmals in Leipzig zu sein

— " — Gutkündend in der Universität

— " — aus dem Feiligen zu die Ring zu Leipzig

Streuß nun den Trüß.

Ariloyung des. Anstaltens, 22.

Aug. Schiner zu Wittenberg sollen nicht. Manst.

Herr Kettenbach, Montag des. Herbst in Eger.


Jo. Lonicer Günstiglic.

Michel Cromer Malverding mit neuen Feiden

Luther, Mal. Obmigkeit, wie weit ist zu Leipzig 23

Ulrich v. Hutten Selig in Erinnerung
yagna den Herbst. (Kand).

Pri. Johann Divalogus zumeist
Liedman.



Ihesus
Martinus Luther Ecclesiastes zu

Wittemberg/ allen Chriſten zu Erfurde ſampt den
predigern vnd dynern/ gnad vnd fryde ynſ
Chriſto Iheſu vnſerm hern

Gott ſey gelobt vnd gebenedeyet/ der nach abgrundliche reych/
tumb ſeyner barmherzickeyt/ zu dieſen tzeitten wider aufftrich/
tet ſein heyliges Euangelion von ſeyne ſon vnſerm hern Iheſu
Chriſto/ durch welchen wyr zum rechten erkentniß des vatters
aller barmherzickeyt kómen/ die er durch yhn auff vnſ/ die wir
glaubten/ reychlich vberſchüttet hat/ nach dem gewolichen ſinſ/
terniß vnd yrrhum des Endchriſts/ darinnen wyr alle erſoffen
geweſen ſind biß her/ vnd dem got diſer welt ſawren vn̄ ſchwe/
ren dienſt geleyſtet haben / mit ſunden vnd allerley vngolichem
weſen. Darumb / ſo ich erfahren habe/ das auch bey euch lieben
brüdern / das thewie liecht der gnaden auffgangen iſt / byn ich
fro/ vnd bitte den ſelben vater aller barmherzickeyt/ der ſolchs
bey euch angefangen hatt/ wolt euch weytter ſampt vnſ begab/
ben/ mit allerley fulle der weyßheyte vnd erkentniß / das yhr get/
weyß werdet ynn ewienn hertzenn vnd volliglich erkennet /
mit gleycher macht vnd krafft ynn euch wircke an ewiem glaw/
ben/ da durch auch wir von den todten aufferſtandē ſind/ nach
ſeyner allmechtigen ſtercke/ die ynn vnſ wyreht durch ſeyn heyl/
liges wort/ vnd gebe euch die liebe gegen ander zu dienen/ vnd
eyns ſynnes zu ſeyn ynn Chriſto vnſerm hern / vn̄ das yr euch
nicht fürcht für dem widerwertigen/ für dem grym des biand/
ſchwanzs/ der noch ein wenig raucht/ vn̄ nuh an ſeyn ende kom/
men iſt/ dem wolt gott der vater werē/ daß ſeyne lyſt nicht ſtad
fynde an ewiem reynen glawben/ ſondern ſtercke euch zu bey/
den ſeytten/ das ewer Creucze vnd leyden gerade zur ſeligen vn̄
feſten hoffnung der zukunfft vnſers heylands Iheſu Chriſtu
des wir teglich wartten. Amen.

Es ist auch für mich komen lieben brüder/ wie vnther euch
ganc, vñ zway tracht entsprungē sey/ auß etlichen predigeten
von vnnottigen sachen/ nemlich von der heyligen dienst. Wie
wol aber das wort der gnaden/ durch zway tracht vñ allerley
widerwertickeit/ als das golte durch das sewor muß versuche
werden/ das seyn glanz vñ krafft deste mehr frucht bring/ vñ
vielen nutz werde/ zur stercke der schwachen/ vñ besserung der
starcken/ derhalben auch nicht zuforchtē ist/ das sich d̄ schaum
d̄ ober selb absondert/ vñ mitt falschem gleyßzen viel ergert vñ
verfuret/ So ist vns doch yhe mit aller soige vñ vleyß/ des war
zunehmen/ das wyr alle tzeit mit eynreley mund vñ synn gotte
den vatter predigen vñ preysen. Auff das vnser hertz gerüst vñ
gewarnet sey/ ymer dem eynigen anzuhangenn das do nott ist/
wilschs Maria erwelet hatt/ vñ vns von den mancherley frā
gen vñ beküterniß wenden / die der Martha viel zu schaffen
geben on nott.

Darumb bitt ich ynn Christo/ ewer prediger/ wolten sich der
fragen von den heyligen ym hymel vñ von den todten entschla
hen/ vñ das volck daran wenden/ angesehen/ das des fragens
keyn ende seyn wyrdt/ wo yhr eyne zulasset. Als auch S. Paul
lus leret. 1. Timo. 1. vñnd doch widder nutz noch nott ist zur sel
lickeit. Dazū auch Gott vns nicht hat wollen wissen lassen/
wie ers mit den todten mache / den ehs thut yhe der keyn sund/
der keynen heyligen anruft/ Sondern nur fest / an dem eynigen
mitteler Ihesu Christo hellt/ Ja eyn solcher feret sicher vñnd ist
gewiß. Darumb wolte yhr denn euch von dem sichern vñnd get
wissen wenden/ vñnd bemühen mit dem/ das widder nott noch
gepott ist? Meynet yr/ das yr zu wenig zu schaffen habt/ wen
yhr nur das eynigen warttet/ das yhr Christum wol leret vñnd
lernet? Hüttet euch / Satanas hats ym synn / das er euch mitte
dem vnnottigen auffhalte/ vñnd das nörtige/ da mit hyndere/
vñnd wenn er eyn handbreyt zu euch einbricht/ wyll er darnach
den ganzen cörper/ mit secken vol vnnützer fragen eynfüren/ wie
er bis her in den hohē schulen durch die philosophia than hatt.
Darumb seytt fürsichtig/ das yhr bey d̄ eynfältigen lere Christi/

*Maria oph
Elois
M. d. p. h. u. t. e.
m. b. a. v. s. f. u. n. d.*

Aut

In de p. l. e. c. t. e.

Am lautern glauben/ vnd rechter liebe bleybt/ das seyne lyfse
dise eynfelligkeit ewig synnes nicht verrucke/ wie er Zena than
hatt. Wo yhr aber an diser eynfelligkeit bleybt/ vnd euch be-
dinget/ das yhr vnnötiger sachen vnd fragen nicht wollet ge-
warten/ wirt er von yhm selb ablassen/ vnd des fragens müde
werden. Contemptus franget cū. Observatio inflabit cū. yhr habe
mehr denn vbiß zu viel gewonnen/ wenn man euch zulassen
muß/ das keyn nott sey/ heyligenn ehren/ sondern vber reichlich
gnug sey/ das man alleyn an Christo hange. Wer weytter vn-
nötig schaffen wil/ den lasset schaffen/ er wirts wol müde wer-
den/ wen er syhet seyn ding nicht geacht werden.

Widderumb ist den andern/ gnug/ zu gelassen/ das man sie
nicht verachtet ynn yhrer schwacheyt/ laßt sye die namenn der
heyligen anruffen/ wen sie iah wollen/ so fern das sye wissen/ vñ
sich hätten da für/ das sie yhre zuversicht vnd vertrauen auff
keynen heyligen stellen/ denn alleyn auff Christum. Denn zuver-
sicht ist die hochst ehre/ dye gott alleyne gepurte/ als dem/ der die
warheit selbs ist. Wyr sind sicher/ das die heyligenn alle ynn
Christo sind/ sie lebenn adder seyen todt. Es lebte für yhm Abt
stercker nach dem todt/ denn ym leben/ durnb wie wol es an not
ist/ dye heyligen zu ehrenn / acht ich doch den nicht zuverdarn-
nen / der sye noch ehret/ so er nicht seyn vertrauen auff sie setz/
denn was er yhn thut das thut ehr Christo / vnd muß auch
Christum treffen/ wenn er yhren namen trifft. Die weyl sie ynn
Christo vnd Christus ynn yhnen / vnd yhr name ynn Christus
name / vnd Christus name ynn yhren namen ist/ wo sie auch
sind. Darumb schonet der schwachen/ vnd füret sie sauberlich/
das sie das vnnötige lassenn / vnd den eynigen Christum/ als
nötig/ ergreyffen/ denn wir müssen doch endlich die heyligenn
vnd vns selb lassen/ das wir vñ nichts den von Christo wissen/
vnd alles ander abfalle/ Moses vnd Elias verschwinde/ vnd
widder Abraham nach Israel vns mehr kenne. Also mein buer/
der treybt auff Christum alleyne/ vnd straffe den aberglawben/
vnd lasset das vnnötige/ vnnötige bleyben/ vñ verschonet der
schwachen. Es wyrt d Satan hynfirt/ noch viel der gleichen

vnd drey sachen/ vnd fragen auffbringen/ auff das er die eynige
nöttige/ eynfelltige erkentnis Chusti verderbe/ vñ es werden ym
folgen/ die leycheftigen vnfürsichtige geyster/ vñd viel secten
anrichten/ wye schon an allen orttern leyder der iamer angehet.
Dumb seyt weyße/ teylet die pfotten. Seytt eynfelltig ym gutte/
flug ym bösen. Was nicht nortt ist/ das lasset farn/ so werden die
torichten fragen euch mit friden lassen.

Den was istts/ das yhr euch beget die halstarrigen Sophi-
sten zuschweyge adder vberwinden? kund doch Christus selbs
mit allen Aposteln seyne Juden nicht vberreden. Thutt wie
Paulus sagt. Eyn halstarrige menschen meyde/ wen er eyns vñ
abermal vermanet ist/ vñd wisse das er verkeret ist. Leret eyn-
feliglich/ vnd gebt antwort von ewrem glawben/ senfftiglich.
Wer nicht folget/ den last nit folgen. wer verfuert/ der verfuere/
wer stinckt/ d stincke weyter/ wer heyliget/ der heylige weyter/
yhr seydt entschuldigt. Gott wirts wol richten. Man kan nye
mandt on seyn danck geben.


Ich bit auch meyn lieben brüder/ wolt daran sein/ das keyn
auffruhr durch vnserregt/ noch vsach dazu gebenn werde.
Es sind viel leycheftige leutt/ die meinen der sachen des Euan-
geli/ mit dem schwert vñd der faust zuhelffen/ vñd wollens
wol aufgericht haben/ wen sie pfaffen vñd münch schmehen
adder beschedigen. Sye wissen aber nicht/ das vnser streyete
nicht widder fleysch vñ blutt sicht/ sondern widder die schalck-
heyt ynn den lufften. Satanas ist eyn geyst/ der hatt widder
fleysch noch beyne/ dñb wyrt man yhm nichts mit eyssen/ ader
mit der faust thū. Wyr müssen yhm die hertz zuuor abreyssen/
durchs wort der warheyt/ das ist vnser schwert vnd faust/
der nyemāt widderstehē kan/ damit zuteylen/ die freunde Chri-
sti den Behemoth/ vñd zuschneytten yhn. Sehet/ wo mit ich
das Bapstum vnd geyslich regiment geschlagen hab/ das vor-
hyn aller welle schrecklich gewesen ist/ da man yhm sang/ Wer
kan mit der bestien streyten/ den sie hatte macht auch die heylig-
en zubeistreytten/ vñd vberwinden? Noch hab ich nye keyn
synger widder sie geregt/ vnd Christus hatt sie mit dem schwert
21 ij


seyne munde lobtet.


Es sind etliche prediger/ die meynen/ sye mügen nicht prediger seyn/ wo sie nicht etwas mehr denn Christum vnd vber vnser prediget/ leren. Das sind die ehrgizige sonderlinge/ dye vnser eynfeltigkeyt lassen/ vnd faren daher ynn sonderlicher weyßheyte. das man sie mitt augen werffen solle/ vnd sagen/ das yst eyn prediger. Solche sollte man gen Aethen senden/ da man alltag newe ding hören wolt/ Sie suchen yre ehre/ vnnnd nicht Christi. Dumb wyrdt yhr ende auch mit schanden auß geben. Hutt euch fur den selben/ vnd bleybt mit Paulo/ der nichts wissen wolle/ denn Ihesum Christum den gecreuzigten/


Ich soige auch/ das vnser schuldt viel zu allem vbel helffe/ Das wyrdt viel predigen/ wie onn gottis gnade wyrdt nichts thun mögen/ vnd wir doch allerley selbs anfahen/ vñ schaffen wolle/ ehe wyrdt gott mit demütigem gepett ersuchenn / das ers anfahet vnd schaffe/ durch seynen geyst. So gehet es den/ das wyrdt ynn Egypten faren/ vnnnd fahen das wircken an durch eygen geyst/ vnnnd fragen seynen mund nicht zuuor dumb. Darumb meyn liebste/ wie wyrdt leren/ so last vns auch thun/ das wyrdt alles gott heymstellen/ vnd on vnterlass bitten/ das her vns regiere/ er vns radte vnd helffe/ beyde ynn grossen vnd kleynen sachen/ vñ nicht gestatte/ das wyrdt auß vnserm guttdunckel/ vnnnd vernunfft ee/ was anfahenn. Denn das wyrdt keyn gluck habenn/ noch gotte gefallen mügen. Aber vnser herr Ihesus Christus sterck euch sampt vns/ ynn aller fulle seynere selbs erkentniß zu ehren seynem vnnnd vnserm vater/ der gebenedeyet sey ynn ewickeyt Amen. Grüßet Johannem Lange/ Georgium Vorheim/ Johannem Culsamer/ Antonium Nusam/ Egidium Nechlerum/ Petrus Bamberger/ sampt allen ewern. Er grüsset euch Philippus/ vnd Jonas/ vñ alle die vnsern. Gottis gnade sey mit euch allen. Amen. Wittenberge am gehenden tag des Junmonds. 1522.


Gedruckt zu Erfurdt zum
Schwarzen Horn.













Th
5975